



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

II. Die Edlen Herrn Johann Gans der Aeltere und der Jüngere von Wittenberge vereigne[n] dem Kloster 6 Hufen zu Krempendorf, im J. 1246.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

II. Die Edlen Herrn Johann Gans der Aeltere und der Jüngere von Wittenberge vereigne dem Kloster 6 Hufen zu Stepenitz und 6 Hufen zu Krempendorf, im J. 1246.

In nomine domini amen. Nos Johannes, dictus Gans de Wittenberge, presens scriptum visuris in perpetuum. Que geruntur in tempore, ne cedant tempori, solent litterarum testimonis perhennari. Nouerint igitur tam presentis quam futuri temporis fideles, quod de consensu et ratihabitione nostra, nec non et dilecti filii nostri Johannis, dominus fredericus, fidelis noster, diuino motus instinctu, Ecclesie Beate Marie virginis in stepenitz, pro salute anime sue et ut sua vxorisque sue In ipsorum anniuersariis iugis memoria celebretur, sex mansos in villa Crempendorp & sex mansos in villa stepenitz contulit cum omni jure perpetuo possidendos, Ita videlicet, quod nec prepositus, nec aliquis officialis, Curam aut officium dicti Clauftri gerens, quicquam tollet aut percipiet de prouentibus memoratis, sed sola domina abbatissa, pro tempore existens, de eisdem prouentibus In claustro circa dominas deo iugiter famulantes pro sua conscientia dispensabit, et earundem necessitates ac indigentias, in quantum poterit, sollicita releuabit. Ut Igitur hec donatio et nostri consensus ratihabitione inconuulsa permaneat & illesa, cum testibus inferius annotatis presentem paginam sigillo venerabilis domini nostri henrici, hauerbergensis Episcopi, ac nostro fecimus communiri. Testes sunt dominus Conradus de Gotberge, Canonicus in Boystere, dominus Bolde de Gotberge et dominus Godefridus frater ejus, dominus fredericus de Wardenberge, milites, et alii quam plures fide digni. Datum wittenberge Anno Domini M^o CC^o XLVI^o Kalendas Januarii.

Nach dem Original, woran die Siegel fehlen.

III. Die Edlen Herren Johann Gans der Aeltere und Jüngere von Wittenberge vereignen dem Kloster das Dorf Zandersdorf im J. 1246.

In nomine sancte et indiuidue trinitatis amen. Vniuersis christi fidelibus, ad quos presens scriptum peruenerit, Johannes gans, dictus de wittenberch filiusque ejus iunior gans salutem in domino ihesu cristo. Donationes, quibus deuoto subsidio dotantur ecclesie, ut perpetuam obtineant firmitatem, hujusmodi scriptis autentice et fidelium testimonio conseruantur. Super quo propter eum, qui dat omnibus affluenter, nos quoque de nostris prouentibus sibi gratias referentes, assignauimus, pro remedio animarum nostrarum, noue plantacioni sanctimonialium in stepenitz villam, cui uocabulum est ianderstorp, et uniuersa quesita uel acquirenda, cum omni jure et integra libertate, predicto cenobio cum uoluntate liberalissima conferentes proprietatem predictae uille, et supplicantes diuino intuitu, quatinus huic collacioni nemo temptet in futuro aliquo grauamine obuiare, sed adiectionibus elemofinarum amplius exaltare. Et ut hujus donationis certa permaneat prerogatiua, hanc presentem paginam sigilli nostri munimine fecimus roborari. Hujus uero donationis testes sunt Henricus, hauerbergensis episcopus, wibertus, prepositus ejusdem ecclesie, Johannes senior de Kumelofen, Gerardus prepositus de stepenitz, wolterus canonicus de boistere et alii quam plures. Datum in wittenberch, anno dominice incarnationis M^o CC^o XL^o VI^o Kal. Nouembris.

Nach dem Original, woran das Siegel fehlt.